

TABULA 157.  
CYRTANTHUS OBLIQUUS.

HEXANDRIA MONOGYNIA.

CHAR: ESSENT: Cor. supera tubulosa clavata sexfida: lacinae ovato-oblongae. Filamenta tubo inserta apice conniventia.

CYRTANTHUS *obliquus*: foliis lanceolatis obtusis planis oblique flexis, corollis pendulis tubo obverse conico Linn. sp. pl. ed. Willdenov. T. II. p. 49. Ait. Hort. Kew. I. p. 414. Jacq. Hort. Schoenb. I. p. 39. t. 75.

*Crinum obliquum*, foliis lanceolatis obliquis, laciniis corollae alternis extus glandulosis Linn. Suppl. 195. Thumb. prod. 59.

*Amaryllis Umbella*, umbella reclinata, corollis incurvis infundibulotubulosis, limbo sexfido erecto, genitalibus inclusis, l'Herit. sert. angl. 15. t. 16.

Crescit ad promontorio bonae spei. 2. Floret Julio.

PLANTA speciosa, tota glabra.

BULBUS tunicatus, subrotundus, diametri quadriuncialis, foris castaneus.

FOLIA plura disticha, basi mutuo amplexantia, fere sesquipedalia, duas uncias per totam fere longitudinem lata, obtusa, integerrima, obliqua, coriacea, subtilissime lineata, glauca, erecto-patula, succo viscoso et acri scatentia.

SCAPUS teres, levissime compressus, bipedalis, inferne pollicem crassus et viridis, superne rufescens, totus rore glauco tectus, erectus.

SPATHA indeterminate multivalvis; valvulis lanceolatis, acutis, fere biuncialibus, reflexis, brevi emarcedis.

PEDUNCULI uniflori, umbellati, plus minus duodecim, breves, crassuli, virides, cernui, ramentis interstincti.

FLORES penduli, tres uncias longi.

CAL. spatha multivalvis; valvulis reflexis.

COROLLA monopetala coriacea rigidula, utrinque flava, foris circa medium longe cinnabarina, ad oras limbi viridula, ex fundo succum aqueum dulcem copiose exsudans.

STAMINA filamenta sex, subulata, tubo corollae adnata, eadem paulo breviora, declinata, tria alterna paulo longiora, flava. Antherae lineares, erectae, flavae.

PISTILLUM germen oblongum, obtuse trigonum, inferum. Stylus filiformis, longitudine, corollae, declinatus flave. Stigma obtusum viret.

Planta naturali magnitudine.

1. Corollae dimidiam discissae partem cum tribus staminibus et cum Pistillo.